

Halswehe auß Phlegma vnd Kette.

Alenß. vng. Das sie die dick gung/ streichs auff ein thuch/ vnd schlags vber den Hals.

Item/ Nim Genskor/ Schweinblut/ jedes gleich/ vermischs/ vnd lege das fünfmal in 24. stunden vber/ da der schmerz ist.

Etliche der Alten rathen/ man sol warm Zelfantenlaß honig/ Mel Anacardium, vber den Hals schmieren/ Blatten damit auffziehen/ daß die Materi außfließen möge.

Item/ Nim weiß Hundskot/ das ist/ von einem der Bein nagt/ Schwalbenkot/ Wolfskot/ welches du haben magst/ phluers/ mischs mit Honig/ vnd streichs vber. Du magst auch zu Gurgelwasser brauchen/ gepulvert auff die Geschwulst oder Geschwer durch ein Feders Fil blasen.

Wo ein schnell ersticken zu besorgen ist/ sol man auff der Scheitel so vil bar abschären/ daß ein zimlicher Laßkopff möge gesetzt werden/ disen hebe offte ab/ vnd setze in wider auff.

In letzter ort muß man den Hals zwischen den Erspien der Gurgel auffschneiden/ damit der Kranck durch das selb ort lufft haben möge Wann sich dann die Geschwulst des Hals wider setzet/ die wunden wie andre heylen.

Schadhafftē vñ löchrige Hals. §. 7.

Wenn gedachter oder nachfolgender fluß vñ Catharr einer den Hals dermassen beschädigt vñ verlegt/ daß löcher darin würden/ so nim Cyperknus/ Gallus/ lebendigen Schwebel/ gebräuten Alon/ Rosen/ Granatschellen/ Niasfir/ Weyrauch/ Berchtram/ jedes 1. q. bräuten Wein 12. vng. vermischs/ verbinds wol/ vnd behalts zum gebrauch/ Wenn es von nöten ist/ nim dessen ein wenig vnd gurgle mit. Es trücket/ heylet vnd reiniget wunderbarlich. Wo es ein zu stark ist vermisch mit Brunellen/ Wegrich/ oder Weggraswasser.

Dazu taugt auch das Frangosenholz wasser/ wie auch Aqua Iohannis, im dreyzehenden Capitel des erste Theils 1. §. in der Mundfeulin/ sampt andrem erst hie oben in Halswehe verzeichnet. Aber von allem daß das schlindē verhindert/ wirst du hernach im dritten Theil/ vnd anfang der beschreibung des Magens/ weitleufftrigern bericht finden.

Vom Catharr in gemein.

Cap. 2.

Dieser Griechische name/ Catharrus/ ist auch in vnser Teutsche Sprach eingeschlichen/ vnd/ wie vil andre/ gemein worden/ ist den Griechen so vil als ein abfallender fluß vom Haupt/ der sich in die Kelen vnd auff die Brust sencket/ offte die Lufft des Hals vñ der Lunge dermassen verstopffet/ daß er ersticket. Er setz sich auch zuzeiten in die Nasen/ macht die Schnuder oder Schnup

pen/ von welchem im andern Theil am 8. Cap. Capitel 6. §. etwas geschriben ist.

Vnd ob wol solche flüss/ nach dem sie gearter seind/ iresonder Namen haben/ als der in die Nasen sincket/ Coryza, oder Brust/ Rheuma, vñ der den Hals angreiffet/ Bronchus, so werden doch in gemein alle zehē/ schleimerige flüss/ die sich von einē Glied auff das ander sencken/ Catharri genant. Weil sie dann (wie gesagt) nicht allein das ersticken im Hals verursachen/ sonder auch der Brust (darvon als bald hernach geschribē wird) vberläffig vñ schädlich seind/ wird billich dieser zwischen beiden theilen gedacht.

Erstlich so entstehen diese flüss/ auß mancherley Ursachen/ Als wenn die feuchtigkeit des Hirns durch die Sonnen/ baden/ auffreihenden speisen/ als zwifel/ Knobloch/ Senff/ Pfeffer vnd dergleichen/ zertheilt vnd flüssig gemacht wird.

Zum andern/ auß grosser Kette/ darin sich die Glieder des Haupts zusammen ziehen/ vnd die feuchtig mit gewalt austrucken/ wie in einem nassen Schwamm zusehen ist. Also mögen sie auch auß vberfluß der materiē/ es sey Chole- ra oder Phlegma/ wie auch mehr andren eusselichen Ursachen/ als scharpfem Mitrachswind/ der schnell auff den Mittagwind entsteht/ bewegt werden.

Man in gemein so taugen die Pflaster zu solchem Catharr/ der nit vberflüssig bigig noch kalt ist. Nim weiß Hartz/ das ganz sauber sey/ 2. vng. Laudanum 1. lot/ Myrrha/ Mastix/ jedes 1. q. Sandaraca 1. lot/ Bonē vñ Erümeel/ jedes 1. lot/ zerlaß das Hartz vñ Laudanum in 1. vng. Lauge/ vñ laß sieden biß sie zehē werden/ schütte sie in ein Mörsel/ vnd vermische diß Meel wol darmit/ streich es auff ein grob tuch/ schlags warm vber das ganze Haupt/ wiltu es hart haben/ vnderlaß die Meel/ vnd thu zu dem andern 1. q. zerlassenen Wachs. Diß stercketz Hirn/ zeucht den wasserige Catharr an/ desgleichen den zehen so auff die Nasen/ Mund vñ Hals feller/ vñ ersticket. Es ist auch offte erfaren/ daß etliche/ denen das sterben ob der Hals lage/ dardurch erledigt seind worden. Item/ Nim Gerstenmeel 2. vng. schwarz Coriander/ Senffsamen/ Meuskor/ jedes 1. vng. Ochsfengallen/ oder eins Knaben Hartz/ so vil not ist ein Pflaster zu machen. Oder/ nim frische Strickwurz 12. vng. Wermut/ Rossmānz/ Wolgemut/ alle frisch/ jedes 1. M. Gerstenmel 2. vng. Saffran 1. q. Scammonia 1. q. Gilgenöl 3. q. die wurz siede wol in wasser/ zerstoß darnach sampt den kreutern zu einē müss/ vermisch das ander on den Saffran darmit/ denselben am letzten/ streichs auff ein thuch/ schlags warm vber den beschornen Kopff/ binds zu/ vnd halts warm. Diß nützt auch allen altē Hauptweh/ sonderlich das auß zehem phlegmatischen schleim entsethet/ verzert die arge dämpff des Hirns vnd Catharr/ so vom Haupt auff die Augen/ Ohren/ Zeh vñ Hals fließt. Man soles zweymal des tags mit frischem erneuweren.

Sol

154 Cap. 2. Der ander Theil diß Vom Catharr in gemein.

A Solgende zwey pflaster werden auch hoch gelobt/wo ein Catharr vñ Haupt auff gedachter örter eins sinckt/ Erstlich setz ein zimlich grossen Lastkopff ongepicht oberhalb der stirnen auff die zusammenfügung der Hirnschale/ das hat vor abgeschoren/ das ort biß es rot wirt geriben/ vñ laß in wol anziehen/ Nachmals schlag diß pflaster vber/ Nim Laudanū, Gummi Helenē, Sandaraca, Weyrauch/ weichen vñ roten Storax/ weiß Hartz/ jedes gleich/ Laudanum, Hartz vñ weichen Storax zerlaß/ misch dz ander gestossen dareyn/ ist es zu hart erweichs mit Gilgenöl zu ein pflaster. Das ander/ so krefftiger dann das erste beschriben ist. Nim Aloe/ wild Māngen/ Citronschellfē/ jedes gleich/ dz mach an mit Laudanum in einem warmen Mörser zerlassen/ mit so vil Schlehenafft/ daß es weich gnug werde/ mische das ander darzu.

Catharr auß kältin. §. 1.

B Ursachen diß Catharrs seind starcke kalte Mitnachtswind/sonderlich wo zu vorder feucht Mitnachtswind geregiert hat/ als am anfang auch angezeigt ist. Zu nacht mit vnbedecktem Haupt liegen vñ erkalten/ welchs die feuchrigkeit gleich mit gewalt erstarren macht/ wann die folgeds wider erwärmen/ müssen sie notwendig stießen/ wie vor auch das Exempel vom nassen Schwam gegeben ist. Also feuchte Frücht/ Rirschen/ Apffel/ Byren/ Persich/ vñ dergleichen.

Dieser bringt volgende zeichen mit sich/ müdheit vñ trägheit des ganzen Leibs/ schlaffrigkeit/ beschwerden des Haupts vñ Stirnen/ bleiche des Angesichts/ doch mit vollen Adern/ verstopffen der Nasen/ verderbte des Geruchs/ herfür bolzen der Augen/ entpfinden etwas hinderuñß im Hals/ Häter begierde außzuwerffen/ reichlich trieffen der Nasen/ geschwellen des Gomens vñ der Mandel.

Desgleichen so man das Haupt angreiffet/ ist es etlicher massen kalt/ die stießend marert nicht scharpff/ beissend noch verlegend.

Diß alles wirt auch mit diesem gefährdet/ wann die Complext/ Zeit/ Alter vñ Wetter/ kalt seind.

Wo nun einer (zum Exempel) mit blossen Haupt auß dem Bad/ oder nach grosser vbüß an kalte Lüfte/ sonderlich von Mitnacht her/ gieng/ im in der Nasen ein beissen vñ kitzlen entstände/ sich das Niesen erregte/ so hat er den Catharr erlangt. Da sol man eimsolche das Haupt so lang mit warmen Tüchern bedecken/ biß erscheinbarlich der Wärme inwendig empfindet/ Oder an statt desselbigen volgendes vberschlagen:

Nim vngestampften Zirsch 4. vñz/ Salz 1. vñz/ rösts in einer Pfannen/ mach ein spannisches Selblin/ schlags auff dz Haupt/ so warm du es leiden kanst. Oder nim ein guten theil Salz/ daran gieß so vil Wein/ das gnug ist das zu zerlassen/ ob dem feuer ein wenig ges-

sotten/ neze ein thüchlin dareyn/ drück's auß/ vñ schlags warm vber. Es trucknet/ vñ ist sicher. Du magst auch volgende/ Nim Tauben Kot/ wilde Kauten/ Bibergeil/ Salb bereite/ weissen Senffamen/ jedes 1. q. Kautenöl 3. vñz/ Euphorbium 1. q. Wachs was not ist/ zerstoß was man stossen sol vñ mach ein Salb darauß/ Laß das vorder theil des Haupts bescheren/ vñ salb das auff die fuge der Hirnschalen. Es hat grosse krafft vñ trucknet fast.

Wilt du mehr Salben/ pflaster/ vñ dergleichen/ hierzu haben/ besüß im ersten Theil die beschreibung des kalte Hauptwehs/ durch auß/ dann fast alles raugt hieher.

Merck. Alles so vor erzelt/ ist nur auff die eyl gericht/ dann wolan dieser Brandheit mit grundt begegnen wil/ so sol der von stund mit der Aderläßin auff der rechten Hand/ zwischen Daumen vñ Zeiger begegnet werden. Da laß vier oder fünff vñz Blut.

Ist dann der Leib voll vñ schwertig/ da mag man am ersten die Mittelader an demselbigen Arm öffnen.

Cliftiern.

Nach volzogener Aderläßin verschaff im zu abend ein stüd vor essens volgedes Cliftier zu geben: Nim Aleyen/ Pappelen/ frisch Blaw Gilgenwurcz/ Mangolt/ jedes 1. M. Diß siede in gnug samen Wasser/ der gesignen Dränim 12. in 10. vñz/ Bibergeil Latwergen 1. q. außzogene Cassia/ schlechten Zucker/ jedes 5. q. Gilgen vñ Leintorteröl/ jedes 3. lot/ Salz 1. lot/ vermisch vñ gib sie in leidenlicher wermte. Den darauß volgenden Morgen sol er volgende Pillulen brauchen: Nim Pillula Hieræ composita 1. 2. Cochia 1. 2. mach süßend darauß/ vñ brauch's auff ein mal.

Gegen abend sahe er an ein stund vor essens sich mit rauchen warmen thüchern reib zu lassen/ wie newlich im ersten Capittel 5. §. im Halswehe angezeigt ist/ das sol er etliche tag/ morgens vñ abends vor dem essen/ an einander treiben.

Wann ein solcher Falter Fluß dünn vñ wäßerig ist/ kan nichts nüglicheres fargenommen werden/ daß diesen dick zu machen. Das mag mit gestorten Mastix/ Weyrauch/ Cypressenüssen/ vñ dergleichen/ geschehen/ wann dar mit oft gegurglet wirt. Oder brauch volgeds/ Nim Myrrha/ Weyrauch/ jedes 1. vñz/ Cypressenüß/ Muscatenüß/ Mastix/ jedes 1. lot/ zerstoß/ vñ siede sie in 12. vñz herbem roten Wein auff halb/ das sahe/ vñ gurgle mit.

Zeltlen vnder der Zungē zu halten.

Nim Mastix/ Muscatenüß/ Cypressenüß/ jedes 1. q. roten Storax/ Weyrauch/ jedes 1. q. durresteite Weinsber/ wol von röstern gesenbert/ Zucker Pes-

Catharr auß Kelt.

Akerpendi/jedes .j. lot/zerstoß was zu zerstoß
sen ist/ mach mit Honigwasser ein theig dar
auf/ forme selten wie kleine Bienen/ die halt
tag vnd nacht vnder der Zungen.

Item Weyrauch oder Myrrha vnder der
Zungen gehalten/ ist fast gur darzu/ sonder
lich wird die Spicanardi zum höchsten be
rühmt/ vnd beschrieben/ es sey erfaren/ das sie
wider außschre/ gebraucht wie beschreibet.

Syrup vnd Purgaken.

Beim Syrup/ Nim Saluen/ Cy
pressbletter/jedes .v. vng/ Paradiesholz .j.
lot/ geleutert honig vñ zucker jedes .s. vng/
Laf sie dē zu ein Syrup/ wie offte gelehrt ist.

Ein anderer. Es ist auch von nöden das ei
nem solchen Krancken das Haupt gereinigt
werde/ Darzu taugt folgender Syrup: Nim
Mandwurz/ Veielwurz/ Weinberlen/ Süß
holz/jedes .i. vng/ Ispe/ Fraweharkraut/jedes
.i. M. Mastix/ Weyrauch/ jedes .i. q. Muscat
nus/ Cypressnus/ jedes .i. lot/ dz siedewie obge
meldt mit Zucker ab/ vnd gib etliche tag auff
ein mal .2. vng in .3. vntzen folgendes wassers.

Nim 20. liliabe. 30. Sebeste. Weinberlen .ij.
lot/ dāre Veielen .i. lot/ geschaben vñ geschnit
ten Süßholz .5. q. 10. Feigen/ diß alles siedewie
einer kleinen maß wasser/ biß zuwen drittheil
eyngesortten seind/ druck's auß/ vñ laß gefallē.
Du hast auch hie vornē im ersten Theil in kal
tem Hauptwehe Syrup vnd ander so zu die
sem Catharr taugen. Zum purgieren seind son
derlich diese Pillule nützlich/ so erst von Hiera cō
posita vnd Cochis beschrieben seind.

Wann nun drey tag nach dem purgieren
verschieren seind/ sol man zu stund vor dem
Nachtmal .2. grosse Laßköpff auff den höchsten
theil der Arschbacken ongepicht ansetzen/ vnd
wol anziehen lassen/ Des gleichen folgendens
tags auff die höhn der schultern. Mitlerzeit
morgens folgender Latwergen so groß als
ein Wellchennuß/ des gleich wann man zu berh
gebet eynnemē. Nim Imber .2. vng/ Süßholz
.j. lot/ Paris/ Negelen/ Muscatnus/ Carda
moni/ jedes .i. q. geleuterten vñ zimlich hart
abgesortten Zucker .8. vng/ vermischs.

Ein anderer: Nim Simettrörlē .ij. q. Muscat
nus/ rote Storax/ jedes .j. q. Süßholz/ Wein
berlen/ jedes .i. vng/ Zuckercandi .i. lot/ abgefor
ten vnd geleuterten Zucker .5. vng/ mach ein
Latwerg darauff/ Darvon nim wann du zu
ruhe gehst .i. lot. Am 7. tag nach der purgats/
sol der Kranck allwegen .2. stund vor dem essen
zumittag vnd abend den mund zweymal mit
wasser waschen/ darin Cösten vnd Gafelwurz
gen/jedes .i. lot/ gesortt sey/ darvon nim .4. vng/
Oxymel compositum .2. vng/ vnd einmal dar
mit gurglen/ des treibwen tag/ also das du
dich in als .8. mal gewaschen/ vñ .4. mal gegurg
let habest. Zu diesem kalten Catharr taugt
in sonderheit der erste Ackerman/ so hernach
im anfang des 3. Theils diß Buchs beschri
ben wirt.

Man lobt auch drey Aerenlen weissen C
Weyrauch vor dem man schlaffen gehet zu
schlicken also hoch/ wo der Fluß etwas dick sey
worden/ das kein krefftigere hülf erfare sey.
Daser sterck vnd tracknet mit allein das flüß
sige Zirn/ sonder leßt auch den Fluß nit herab
fallen. Es wirt auch gerahen/ das man nach
dem purgieren vbern dritten vnd vierter tag
drey oder vier stund vorm essen .i. q. Theriac
oder Mithridat neme/ welches den erwachs
nen vnd alten tauglicher dan den jungen ist.

Hauptpuluer.

Nach volzogner Aderläßin sol man
alle abend zu stund nach dem essen/
das Haupt nach lengs der Zirnshale
zusammenfügig/ Sagittalisgenait/ vier
fingerbreit mit folgendē puluer bestreuen wēt
Nim rote Storax/ Rosen/ gebräut Zelfanten
bein/ wild Rebenbletter/ Negelen/ Sandara
ca/ jedes .i. q. mach ein Puluer.

Daran zu riechen: Nim schwarzen Coriand
er/ dem röse ein wenig ob dem feuer/ binde
den in ein Seidin thüchlin/ vnd rieche offte da
ran. Oder nim Paradiesholz/ roten Storax/
jedes .ij. q. Muscatnus/ Cypressnus/ Wey
rauch/ Costenwurz/ jedes .i. q. geröstten schwar
zen Coriander/ .j. lot/ zerstoß vnd binds in ein
zart thüchlin. Zucker tauch nütz dem Zirn/ vñ
wehret kalten flüssen.

Man mag auch an Bisemappfel riechen/ vñ
wie folge bereiten: Nim Laudanum, Andorn/
jedes .i. lot/ Paradiesholz/ rote Storax/ jedes
.ij. q. Muscatnus/ Cypressnus/ Weyrauch/
Negelen/ jedes .i. q. Ambra .j. q. stoß klein was
zu stößen ist/ den Laudanum zerlaß in wenig
Rosenwasser/ in ein warme Mörtel/ vñ mach
ein Apffel darauff.

Ein anderer: Nim Laudanū .i. q. Paradies
holz/ roten Syrrax/ Weyrauch/ jedes .j. q.
Muscatnus/ Cypressnus/ Sandaraca/ jedes .i.
q. schwarzen Coriander/ Simettrörlē/ Nege
len/ jedes .2. j. Gallig Moschatē .i. q. Myrrha/
Spica auß India/ Mastix/ Costenwurz/ jedes
.i. j. Ambra .j. j. Bisem .3. Gr. Den Laudanum
zerlaß mit ein wenig Wachs/ misch das an
der gepulvert dareyn/ forme kuglen/ rich löch
len dareyn vñ bestreich dieselbige mit dem Bi
sem vñ Ambra in ein wenig Rosenwasser zer
lassen. Dergleichen Bisemappfel wirt du im
sechsten Theil mehr haben.

Auß allen beschriebenen vermischungen
magstu Secklen machen.

Niesen. Befehlen etliche zu reitzen/ andro
verbiere als schädlich. Wo etliche vnder er
zelten sträcken wol erschließen/ rath ich sein ab
zustehen/ damit das heupt vñ Zirn nit weiter
durch desselbigen gewalt entrüstet werde.

Pflaster.

Nim Taubenkoth/ Rautensamen/
Senffsamen/ Weyrauch/ Mastix/
schwarze Coriander/ jedes .i. lot/ Pech/
.i. vng/

A 1 vntz/das zerlaß mit Orymel von Meerzwif-
len/vermisch das ander mit/streichs auff ein
Leder/vnd legs nach leng vber der Zitrnschas-
len fugen. Diß pflaster trücket die vberflüssi-
gen haupfeuchtn/vñ krefftigts: Man mag
auch Stechas/Rosmarin/Waseron/vnd Ne-
geln/darzu thun.

Ordnung des Lebens.

In solcher Krancker sol sonderlich
verhüten/das er in seiner ruhe nit am
Ruck entliege/dan so sich die Flüße hin-
dersich sencken/ist ein gefahr/das sie
nicht eyntropffen des gedders/oder das Pa-
ralysis/bringen/vlleicht auch gar erstrecken.
Das Gemach daris er wonet/sol auff treckne
vnd wärmen gerichtet seyn/so gar auch Som-
mers zeiten: Dann wo er mit feuchtsachen
geregert wird/möchte leichtlich ärgers/vnd
der Schlag/zufallen. In summa/da ist aller fleiß
anzukehren/das sein wonig von aller feuch-
tn verhüt werde. Ist das ort von natur nicht
also geschaffen/so nim ein glut/laß außschl-
ßens Gemachs wol vertriehe/darauff spreng
folgende stück vermisch/oder welche du wilt:
Paradeisholz/Sandaraca/Laudanum/weiß
Kartz/Grüschpach/Weyrauch/roten Sty-
rax/vnd dergleichen. Brenne auch ferner/mit
Wecholder/Laurberbaum/Tamarisc/vnd
dergleichen arten Holz. Der Krancke sol sich
auch warm in Kleidern halten/Fuchs oder
Schaffpelz vñ in habe/sonderlich das haupt
wol bewahren. Auß der Brust sters ein weich
Küsselin mit pflaumfedern/Kasenhar/oder
das noch besser/Seechhar/tragē/solches auch
die ganze Nacht bey sich behalten.

So viel essen vnd trincken betriffet/sol im
solcher Krancker zimlich abbreche/der Weins
solang der stießend Catharr an im hangt/ab-
stehen. Zuckerwasser mit dem sibenden oder
achren theil Margranden Wein vermisch
trincken/damit die Natur/wan sie kein vber-
fluß d Speisen finder/desto mehr in die feuch-
tigkeit des Catharrs arbeit vnd verzehre.

Sie sol man auch fleiß haben / zu vor nichts
essen/es seye denn rechter hunger verhandē/
sonst würde rohes vber rohes kommen / den
Magen desto mehr schwächen. Wo aber na-
türlicher hunger kompt/ist sich zuspiesen/doch
allwegen mit lust auffhören: vnd sonderlich
sich vor essen vnd trincken enthalten/wo man
noch etwas beschwerig in Magen empfindt/
vñ che vor eyngenomne speiß gar verdawet
ist/nemlich nach acht stunden. Sein Brot sey
im Winter vñ Staling das noch etwas Aleye
darbey bleibe / Aber im Sommer vnd Herbst
von zartesten vnd saubersten Meel. Es were
auch gut (wo es kein verstopfung des Leibs
hinderte) nach dem essen zwir baden Brot/
Biscot genannt/mit Enis zu essen. Das Brot
sey aber wie es wölle / so sol es wol erhaben/
etwas mehr denn gebreuchlich gesaltzen / wol
gebachen / vnd nicht vber drey tag alt seyn,

Auß diesem erscheinet / das man sich des vñ C
gehöbeltens altens vñ hart gebachnens/ent-
halten sol.

Vom Fleisch taugen saugende Kelter/biß
auff iartige: Also wol erstarrte Kintlen/junge
Hammel/vnd mager Schweinefleisch/doch
nicht zu oft noch zu viel. Alles altes vnd feis-
tes ist zu meiden. Vnder dem Gewild ist das
Rech am nützlichsten / vñ ob schon des Hasens
Melancholisch blut macht/ist es doch seiner
Träcktn halb der phlegma nit zu wider / son-
derlich wo es mit Pfeffer bereitet wirt. Aber
Kintlen vnd Tigel seind zu stien.

Hier ist auch nicht vnbequem ein kurze mel-
dung zu thun/welche stück am Thier am me-
sten zu erwählen/vnd am gesündesten seyen.
Da seind erstlich Magen/Hertz/Hant/Merue/
Milch/Jügeweid/Kirn/Lung/vnd derglei-
che/hart zu verdawen/erwecken auch vnwill-
en vnd vndawen: Feist/Warck/Litern oder
Dutten/machen bläst vnd vndawen.

Alle vordere stück seind ringdäwiger vnd
wärmer von Natur dann die hindern: Die
Feisse fleisch on feistin/oder mit wenigē durch-
spickt/besserer führung. Das auß Flügeln o-
der diechen taugt zum Mitragnal gesotten/
Abends gebraten/Gebachens ist in allweg
zu meiden.

Vom Geflügel seind nütz starcke Hühner/Ca-
ponen/vnd vordiesen die Hennen/Wilde vñ
geheime Tauben / so noch nicht vollkomme se-
den haben/ auch ein weil nach dem sie abge-
nommen/gelegen/vnd wol gekocht seind.

Junge Pflaumen/Gens/vnd Enten/seind
zu vnderlassen/es sey dann gar selten/vnd ge-
braten. Vndern wildē geflügel/seind die Reb-
hühner/Kasane/wild vñ feld Vögel/als Trost-
len/Amshlen/Kramervögel/Fincken/Stig-
lizen/Nachtgallen/Zeislen/Lerchen/Spa-
zen/Schnepffen/Wachstelzen/nützlich/dann
dieser aller fleisch ist trucken.

Starcken/Schwalben/Alstren/rot Spech-
ten/seind vngebreuchlich/Wachtlen sol man
scheuen/seind dem Magenschad/vnd erwe-
cken vnwillen.

Keinerley Fisch ist nützlich / Mus oder wil
man aber die niessen / so nim die Kärnigs ge-
bretes seind / Als Foren / Zecht / Grundlen/
Bersich/vnd dergleichen / Die werden auch
minder schädlich / wo man sie mit Peterling
vnd Mänsenkraut bereitet/nütlicher geba-
chen oder gebraten dann gesotten / wie auch
die gesaltne vber die frischen. Der al/Schley-
en/Rebs/vñ dergleiche/gehenußig. Milch/
vnd was darnon gemacht wirt/ist nachthei-
lig. Lind gesottne Eyer/auff Wasser gefellt/
ob Aschen gebraten/mag man wol brauchen/
die gebachnen vnd hart gesottnen seind vn-
däwig.

Vnder allem Zemüß wirt allein die Panica
sowit Zeidelpsenich nennen/vñ ein geschleche
des Zirschs ist / Rote Erbs/vnd Reiß/zuges-
lassen. Nütliche Kreuter seind die warmer/
truckner/woltrichender Natur/seind sonder-
lich die

Catharr auß Kelt.

Alch die etwas ringer ansehender Krafft haben/als Saluten/Fenchel/Mängen/Ränlen/Rosmarin/Maseron/Krauß Basilien/Dillen: Dargegen ist der Lattich/Endiuinen/Spinet/Breß/ vnd alles was kalt/feucht/vmb die Brunnenquel vnd Wasser wachset/zu meiden. Kettich vnd seine bletter/mehr dann die wurz/Aschlag oder Schmitlauch/gekochter Knobloch/in Zucker oder Honig/auch Essig/Swefel mit öl vnd Essig/mögen selten vnd wenig gebraucht werden. Weil aber der lang Lauch dem Magen vnd Gesicht zu wider/ist er zu meiden/oder zum wenigsten mit Honig zu essen.

Rüben haben vil vbersüssiger feuchtin/darumb seind sie zu vuterlassen. Oliven vnd Capparen seind nütz. Keinerley kalte vñ feuchte Frucht ist zu gebrauchen/Aber geröste Haselnuß/Mandel/dürre Feigen/Weinber/Pignoli/Piscarien/mögen genossen werden. Alle speisen so auß süßem vnd saurem vermischt/destgleiche die mit Imber/Enis/Fenchel/Peterling/Saffran/Zimetrohlen/Muscarnuß vnd Macis bereit/seind rangelich/vñ mehr was mit Honig dann Zucker gesüßet ist.

Item ein Salsen auß Peterling/Mängen/Ränlen vnd Essig/gemacht/ist ganz nützlich. Sein bequemes Tranck ist Honigwasser/vñ sonderlich wo ein wenig Ammey samen darin gesortet wirt. Oder Zuckerwasser. Also ein Tranck mit Zimetrohlen vnd Süßem holz gesortet.

B Kan sich aber der Kranck des Weins nicht gar entschlahen/so erwehle er ein geringen weissen/vnd mische zweimal so viel gedachter gesortner wasser daran: Wo aber ie die gewonheit oder andre vrsachen zwingen den Wein zu vergähnen/so erwehle er (wie gesagt) ein weissen/lautein/trucknenden/der etwas süße habe. Also daß er mehr weinig dann wässrig sey. Vnd ist in allweg rathsam/daß derselb mit wasser/darin ein saubrer gläender Stachel vier oder fünff mal abgeseht/vnd darnach widerumb ein wenig gesortet seye/vermischt werde.

Leglich sol ein solcher Krancker allwegen nach dem essen etwas brauchen/das den Magen beschliefte/damit die dämpffe nicht in das haupt außsteigen. Als bereiten Coriander/geröstets Broat/gebraten Quitten/oder deren Latwergen mit Honig abgesortet.

Vbung in diesem Catharr ist nützlich nächstern zu fuß sanfftlich/auch auff einem sanfft gehenden pferd/zu reiten. Ist aber die krafft nicht vorhanden/sol man das reiben/wie offte gelehret ist/desto embsiger brauchen. Aber nach essen mit Leib vnd Gemüt ruhen biß abgedawet ist.

Vom schlaffen vnd wachen.

E sol sich der Krancke des Tages schlaffs genzlich enthalten/er were dan grosseschwachheit vorhanden/vñ zum

wenigsten zwey stund nach dem essen wachen. Erstlich auff der rechten/nachmals lincken/seiten/vnd gar nicht auff dem Rücken liegen/dann wie schädlich das sey/ist am anfang dieser ordnung angezeigt.

Sonnen vnd Feuer hitz sol er fliehen/sich schreyens vnd lauten redens enthalten. Vnd zum beschluß diß kaltens vnd erstekendens Catharrs/ist anzuzeigen/warmit man solchem fürkommen möge/das mag durch folgende mittel geschehen:

Weil der meiste mangel daher kompt/daß der Magen vnd hirn kalt vnd feucht seind/so sollen alle mittel auff trucknen vnd wärmen sehen/doch daß sie in beiden wirklicher weiß vñ den ersten grad bleiben/dazu dienet erstlich folgende Latwergen:

Nim 8 Species Diarrion pipereon, Aromaticum rosarum, jeder 4. q. Macis 1. lot. Zimet rörl 1. q. Zucker 3. vntz. Rosen Syrup 5. vntz. Den Zucker vnd Syrup siede ab biß er zimlich dick wirt/darnach vermisch die andre Species in ein Mörtel wol dareyn/Darvon nim al la tag vier stund vor dem Morgen vñ Abendmal 1. lot/destgleichen ein viertel stund nach dem essen einer Muscarnuß groß/Das treib ein Monat/darnach dreymal in der Wochen/so lang du wilt.

Oder mach diß Confect nach essen zu brauchen 3. q. auff ein mal: Nim Species Diambreg, de Xiloe, jedes 1. q. Veielblumen/Seeblumen/Saurampffer/vnd Endiuinen samen/jedes 1. q. Zucker 4. vntz/den siede ab mit Veielwasser/mach 3 eulen darauf.

Magenschilt.

Im saubern Laudanū/weiß Hark/jedes 5. q. bereit Corall vnd Helfantsein/Scariol vñ Vornel samen jedes 1. q. Die zwey ersten zerlaß in scharpfem Essig/sez darzu zerlassen Wachs so viel not ist/vnd mach ein oder zwey Magenschilt/trag diesen den ganzen Winter.

Wann nun dieser Fluß im abnehmen ist/sol man ein trucken Schweißbadt machen/wie folgt:

Nim ein Suber/befeuchte den mit gutem Wein vnd Rosenwasser/stütz in hernach vñ ber ein hell brennend Feuer oder Kolen/biß er trucken wirt/feuchte in abermals mit einem Schwam oder Thuch wie vor/das thue so oft biß der Suber wol erwermet/dareyn segeden Branden/bedeck in mit Coltern auff reissen vber den Suber gespannt/Ls macht vil Schweiß.

Catharr auß Hitz. 5. 2.

Erich im anfang/da vom Catharr in gemein geschriben ist/seind erliche vrsachen des hitzigen Catharrs angezeigt/derhalb on not die widerumb zu erho

A zu erholen / Zu solchem hilfft auch zu vil ruh vnd müssigang / schlaffen bey tag / vberessen vnd trunckenheit / das Haupt zu fast vnd hitzig bedecken / grosse arbeit / da man sich erhitzigt / vnd dergleichen.

Die zeichen daß der Fluß auß Hitz komme / seind diese / das derselbig subtil vnd zart ist / darmit machet er ein rotes Angesicht mit bleichin vermischt / In der Nasen ist grosse hitz mit beissen / bittren / vnd scherpfen im Mund vnd Hals. Wo man das Haupt angreiffet / da ist es hitzig / der absinkend Fluß seiner gesaltzen materi halb streichen vnd jucken. Disem ist nun wie folgt zu begegnen:

Erstlich wirt nicht wenig vnder den Arzten disputiert / ob die Adern zu lassen sey / doch gemeinlich für nützlich erkannt. Ein theil rathen zum Haupt / andre die Mittel / die dritten zur Leber / zu lassen. Dis alles sol nach dem gerichtet werden / als sich der Fluß mehr auff einen / dann den andern theil / sencket: Vñ als wegen erst als daß geschehen / wann der Fluß zum theil gestillet ist. Dann man hat erfahren / daß die / so innen im Catharr zur Ader haben gelassen / sitzts heisser bliben sein. Damit aber solches stessen gestellet / vñ dick gemacht werde / so mag man das mit Gurgelwassern vnd Zeltlen im Mund gehalten erlangen.

Gurgelwasser.

B Im Syrup de Iuiubis, vñ Beelen vnd Magfaat / jedes gleich / macheden an mit Gerstenwasser. Oder nim Iuiube, Sebeste, Veiel / weissen Magfaat / Quittenkern / mit Gerstenwasser gesotten / vñ nach dem Abendmal gebraucht / nunt sonderlich.

Item / Nim Magfaat Syrup / Maulbeersafft / Rosen vñ Brunnennwasser / jedes 3. vntz / Granatenwein / 1. vntz / machs warm / vñ gurgel mit.

Zeltlen.

Machs also: Nim weissen Magfaat / Borneel vnd Lattichsamen / jedes 1. q. Dragant / Gummi / Saffran / jedes 1. q. Krassmeel / Zucker Penidi / jedes 1. q. Opium 5. G. stoß was zu stossen ist / vnd machs mit Oelmagen Syrup zu einem theig / darauf forme Zeltlen wie kleine Bonē / deren eins halt im Mund. Darzu taugē auch die gemeine Zeltlen / Diapapauer, vnd Diatragacanthos, der kalten.

Item / Nim Gummi Arabicum / Dragant / Krassmeel / Süßholz / Quittenkern / Flochsamen / als klein gestossen / forms wie oben mit Flochsamen schleim / vñ halts vnder der Zügen.

Er mag auch mit folgenden abwechseln / gemeine Krebsengle mit Zucker / die Zeltlen Diacodion, Diamargariton mit Bolarmē gemacht / schwarzen Krebsenglen / also der Rosaten / welche auch würdig zu beschreiben sind,

Krebsenglen mancherley.

Schwarzen Krebsenglen nennet man in den Aporecken Bichichig, oder Bechica, deren macht man zweyerley / wie folgt: Nim schwarzen Süßholz / safft / Zucker / jedes 1. lot / Krassmeel / Dragant / geschelte Mandel / jedes 1. lot / Schleyen von Quittenkern so viel nor ist Kugelen zu formen. Diese machen den wässerigen Catharr dick / vnd lindren sein herbin.

Die andre. Nim pignole / so vber nacht in Rosenwasser gewicht / seind / außgescheltte bittere Mandel / jedes 1. lot / schwarz Süßholz / safft 2. vntz / gestossen Süßholz 3. q. Machs mit Rosenwasser zu einem theig / vnd forme Zeltlen mit Krebsenglen. Diese taugen auch zum husten / reuchin / geschwellen des Hals vñ Reken. Die weissen Krebsenglen bereitet man also: Nim weissen Zucker / Zucker Candi / jedes gleich / Krassmeel / den vierdten theil / deren beide zerstoß mit zerlassnem Dragant in Rosenwasser / vnd forme sie.

Item / Nim weissen Zucker 6. vntz / Zucker Candi vñ Penidi / jedes 2. vntz / gestossene Veielwurrt 1. lot / schmal gewegen / Krassmeel 5. q. stoß die zu einem theig mit Dragant in Rosenwasser / forme es.

Die dritte art / Nim Zucker Penidi 1. vntz / Zucker Candi 1. lot / Manus Christi on berlen vnd mit Rosenwasser gemacht 1. Lot / Bolarmen 1. q. weissen Zucker 1. lot / forms mit Dragant / wie oben. Diese taugen den husten / den / hart athmenden / die mit dem Bolarmē / sonderlich den Blutspeyhenden.

Erfordert dann die noturfft / daß man den Fluß noch härter anziehe / oder dicker mache / So nim Krassmeel / Dragant / geschelte Mandel / Bonenmel / schwarzen vnd weissen Magfaat / sampt iren Köpfen / Gummi / Bolarmen / jedes gleich / als klein gestossen / forme es wie schleim von Flochsamen vnd Quittenkern wie Krebsenglen.

Vom Purgieren.

Es fordert auch die not / daß ein solcher Krancker purgiert werde / das mag man mit dem Syrup von Iuiuben vnd Sebesten, erst im vorigenden 1. 4. beschreiben / anfahren / Oder aber mit dem Trand / welches die Aporecker Decoctionem pectoralem nennet / die bereit also / Nim Boreagen / Ochsenzungen / Veielblumen / jedes 1. q. Iuiube, Sebesten, jeder 15. Sraweharckraut / Scabiosen / Hüßl. Antich / jedes 1. M. Entis 2. vntz / Feigen / Dattlen / jeder fünff / zerschnittē geschaben Süßholz 3. q. saubere Gersten 3. M. Laß in einer kleinen maß wasser siedens / biß ein drittel ist eyngesotten / druck's auß / vnd seyhe es sauber / behalts an einem kälten ort.

Ein anders.

Nim geschaben vñ klein geschnitten Süßholz

Catharr auß Hitz.

A holz 1. vntz / Veiel / Ochsenzungenblumen / jedes 3. q. Feigen 4. Weinber 1. vntz / Liniabz, Sebestz, jeder 10. die sie de in gnugsamen wasser / machs wie oben. Dergleichen werden viel gemacht / erzelt seind die gemeinsten.

Sum purgierē nim erst beschribner Tranc̃ eins 3. oder 4. vntz / darinn zertreib außzogne Cassia / Mannz / jeder 1. vntz / vermischs vnd trincks warm. Du magst auch gedachter zweyer Brusttranc̃ wann du wilt / on einis gen andren zusatz dann Zucker / wann du wilt ein guten tranc̃ thun.

Ein andre Purgatz. Nim Veielblumen / Seebblumen / jedes 1. vntz / Damasc pflaumen 10. saur Dattlen 1. vntz / das sie de in 8. oder 10. vntz wasser auff halb / der Br̃ñ 3. oder 4. vntz / zertreib darinn frisch außzogne Cassia 1. vntz / purgierende Rosen Latwerge / oder von pflaumen / De succo Rosarum vnd Diaprunis solutium genannt 3. q. vermischs / vnd gibs morgens fr̃ warm.

Die dritte Purgatz. Nim 4. vntz Br̃ñ / darinn pflaumen gesotten seyn / in diese wā sie noch heiß ist / weiche 1. lot grob zerstoßene Rhebarbara in ein thüchlin gebunden vber nacht an ein warmen ort / truck's wol auß / vñ vermisch darzu 2. vntz purgierenden Rosensafft / Gibs morgens nüchtern im Sommer Kalt / Winter law.

Wilt du lieber pillule / laß solche bereiten / Nim der gelben Myrobolan schelffen 1. lot / Rhebarbart 1. vntz Aloepatic, Diagridion, jedes 1. q. Mastix / Süßholz / jedes 1. 3. stoff mit schleim von Flohsamen oder Quittenkern zu einer Massa / gib 1. q. auff einmal.

Nach dem purgieren.

Merck / ob die Materi noch wasserig vnd flüssig sey / befindt es sich als so / mag man dem Kranken was von Maglaar gemacht ist / geben. Desgleichen taugen im auch kalte Dragant Belzlen / Rosen vñ Seebblumen Zucker. Er sol auch fr̃ats an solche sachen riechen / die kalter natur seind / als Rosenwasser / das sol er auch in die Nasen supffen: Also Campher / Rosen / Sander / Bisemappfel Falter art / deren erliche im 6. Theil beschriben seyn. Ist aber der Catharr schon dick vnd zeh / so ist alles was von Oels magen gemacht ist / zu vnderlassen / vnd solsgends wasser zu siedē / Nim dārrēn Ispen / Süßholz / Frawenhartraut / Feigen / Eybsch / vnd Pappelsamen / jedes gleich. Im Mund halter Dragat / mit ein wenig Loch de Pinu.

Weil auch ein solcher gefaltnier Catharr verbindung mit der Leber hat / so seind die Wildbad / so vber Eysen oder andere Erglauffen / hierin zu loben.

Wenn ein solcher wil schlaffen gehn / sol er 1. bis 1. lot Seebblumen Zucker essen / auch solgender Hauptpuluer eins brauchen: Nim Macis 1. lot / rot Corall / gebrannt Zelfantsein / roten vñ weissen Sander / jedes 1. 3. San-

daraca 1. lot / Seebblumen 1. q. Negelen 1. q. vermisch / bestreue das Haupt von der Stirnen an nach der lēge vber die Scheitel vier zwerch finger breit. Vñ vber den andern tag / wann du ein frisches auffstreuen wilt / so seubere das vorder mit einem Strel oder Bürsten ab.

Folgende ist Kälender. Nim Rosen / Myrtenkörner oder bletter / Corallen / Ruscenkörner / jedes gleich / klein gepulvert / brauch's wie andere / doch daß man dñ zimlich hineyn reibe.

Ordnung in essen vnd trincken.

Eins solchen Kranken taugenlichste Speisen / sonderlich wo er zimlich bey krafft ist / seind wolgesorteneschleimerige Gersten / also Speltz / Mäslē von Krafftmeel / vnd Habermeel / allwegen mit Zucker Pemdi vermisch. Also mag er solgedē Kreuter gekocht oder bey andern Speisen gesotten / essen / Spinet / Wiltē / Bortzel / Pappelen / Mangolt / Vonfrüchten / Melon / Kürbis / vnd Cucumer: Ist er aber schwach / so niese er Ritzfleisch / Hüner / vñ dergleichen / mit gedachten Kreutern / Melonsamen / alles ongesalzen. Weiche Eyer / Mandelöl / kleine Walddvögelen / seyn bequē.

Sein nüzlichstē Tranc̃ ist Gersten oder Zuckerwasser / beide mit etwas Süßholz dāreyn gesotten. Item / Frisch Brunnēwasser mit Rosen od Veiel Syrup angemischet. Des Weins sol er sich enthälte / Ran das nicht gar seyn / ein geringen brauchen / vnd Agrest dāzu vermischen.

Ein solchen ist nüz auff das wenigst so seyn kan / zu schlaffen / daselbst mit hohem Haupt / welches er sampt dem ganzen Leib wol bedecken sol / wo sich ein Schweiß erzeigte im starr geben. Es nützet auch / wo die Stirne / Schlāse vñ Nasen / mit Rosenöl / Veielöl / Seebblumenöl / vermischet / oder jedes besonder / erliche mal / vñ die Brust mit Veielöl / frischem Butter / süß Mandelöl vermischet / oder allein gesalbet / werden. Etliche rahten auch also die Gemecht. Wann nun die Kranckheit im abnehmen ist / vñ man es gewonet herte / so mag man das Haupt nüchter waschen / mit sauberen Lāngen / darinn Maseron / Rosen / Camillen / Schuchlen / welches man wil / gesotten oder geweiht seyn. Das Haupt widerumb mit warmen Thüchern vñ zimlichen reiben trucknen. Er sol im auch oft stelen / etwa baden / vñ in allweg vor kälte verhüten.

Catharr mit Seber. 6. 3.

Waber erzelt Arzneyen / Aderlassen / vñ anders / den Fluß nicht genzlich stilleren (das denn auß vñ berfluß vñ großem hauffen der materien wol geschehen mag) so kompt gemeinlich ein Husten vñ Fieber darzu / welds denn ein anzeigen gibt / wie die schadhaffte Choleriche feuchtin in Ader steckt. Darumb

Q 11

ist hie

Catharr so in der Nasen bestecht.

A ist hie die Aderläßin an vorangezeigten orten nützlich/sonderlich die Leber Ader/nachmals reinige den Leib mit Cassia vnd Manna darbey sol man erfarnen Arztrath pflegen.

Die Krebsenglin/da die Veielwurz nicht inn ist/seind für vnd für zu brauchen. Damit nun solcher schädlichen Materi gewehret werde/ist nützlich dieselbige ab der Brust an andere ort zu ziehen/sonderlich zur Nasen/da sie leicht er mag außgeföhrt werden. Darzu nim Ammoniacum i. lot/Klein gestossen Berchtram j. lot/das mach mit Blawgilgenwurzensaft zu einem Theig/nim ein wenig auff ein Messer/mach dz warm/streichs in die Nasen/so wirst du von stund wasser trieffen sehen. Diß ist ein geheimes stuck. Item/Nim Blawgilgewurzsaft i. vntz/gestossen Lauffsamē/Berchtram/jedes i. q. feuchte ein Baumwolle dareyn/vnd streck's warm in die Nasen. Hiertzu ist/wie vor auch gemeldet/sich des Fleisches vñ Weins zu enthalten/so lang die hitz vnd die rauchtrucken Zusten wätere. Gerstenwasser/Veiel Iuleb vnd Syrup seye sein tranck/denn diese kühlen/feuchten/lindern die Brust/vnd machen die materi dicker. Ist aber die vrsach auß Fältin/sol Frauenhaar kraut/Isphen vnd Sassaholz/bey der Gersten gesotten werden.

Wenn aber die hitz des Fiebers vñ Zusten nachleßt/so erzeiget es sich mit diesem/dass sich die trüchne ergibt/vnd sich der aufwurf erinert/alsdann sol man folgendes wasser bereiten:Nim fünff feiste Feigen/Iulubx 10. Sebesten 20. dörre Weinbeer von Eörnlen gesenbert iij. lot/geschaben Sassaholz j. q. laß in gnugsamē wasser sieden/seihe es/darvon nim j. vntz Veiel Syrup j. q. vermisch diesen Träck gib/wo die vrsach auß hitz ist. Were sie aber auß Fältin/vñ noch mit im fließen/siede Frauenhaar kraut/vnd Weinberlen sampt ob stehenden/vnd vnderlaß den Veiel Syrup.

Wenn der Catharr nicht auß der Nasen wil. §. 4.

Dem beschluß ist noch diß hieran zu henden/wenn geschicht/dass solcher Fluß die Nasen lang verstopft haltet/doch kein hitz darbey erscheinet/so seind Rauchwerck zu brauchen. In diesem hab acht/wo die feuchtrin/so auß der Nasen treufft/subtil/scharff vnd gelb ist/so mach ein Rauch mit ein wenigenschwebel/der in Essig eyngebeisset sey/vñ widergetröcknet. Oder mit geschelten Bonen oder Gersten/ auch in Essig geweicht vnd getröcknet/zu puluer gemacht/vñ auff ein Glut gesprengt. Also raugt auch der Sandel vñ Sucker rauch. Du magst auch folgendes bereiten:Nim grob zerstoßene Schwebel j. lot/den sie dein adx vntz herbem rotem Essig/vnd empfach den dampff in die Nasen. Oder spreng den Schwebel mit Wein auff ein heißen stein.

Item/Mach ein dampff auß gesottner Gersten/Seeblumen/vnd weißem Wagsaat. Als

so magst allezt Essig auff heiß Eysen oder Stein sprengen. Es raugt auch der rauch von Rebhüner Federn. Ist aber kein hitz/redin des Angesichts/nach dergleichen/vor Augemach ein Rauch auß Costenwurz vnd Weyrauch. Spreng schwarzen Coriander in Wein ge weicht auff ein heißen stein. Oder/Nim Paradiesholz/Mastix/Weyrauch/jedes gleich/gestossen vñ vermisch/oder allein den Rauch empfangen. Also raugt auch Sandaraca in Essig gebeisset/vnd also feucht auff einen heißen stein gesprengt. Weil nun hie eben viel von diesem Catharr beschriben ist/vnd hernach in beschreibung der Lungen/Zusten vnd engin der Brust/mehr dergleichen zu melden wird/sol hiemit diß ander Capitel beschloßen seyn.

Von dem vordern Theil der Brust: Thorax. Cap. 3.

As/so in gemein Brust von vns genast wird/hat vornen iß re aufang nach endüg des Hals/ reicht so weit als die Rippen. Wiewol Aristoteles diesen Theil den ganzen Bortich (on die Arm) biß zur Scham zuschreibet. Im grundt aber/so hat dieser Theil Thorax, das vorderst vnd hinterst theil des Leibs/vñ Hals ab diß auff die Diaphragma, in sich. Der vorder theil ist in der mitte nach lengs ab etwas eyngesenckt/dar gegen an beyden orten vnder den Türtlen oder der Brust erhöhet. Gleiches fallß auch der hinter theil/ß Ruckgrad/erhöhet/aber an beyden seiten durch die Schulterblatt vñ Rippen erhabt. Diß ort ist nit gäz beinut/wie die Zien schal/ auch nicht ganz fleischin/sonder ordentlich eins vñ das ander mit Beinen vñ Menschen vermisch vnd erfüllt. Also daß die Rippen solche vornen vnd hinten beschließen/die innerliche Glieder/gleich als mit einer vortmauer/beschützen vnd zusammen halten. Wie nun dieser theil des Menschlichen Körpers außwendig von Beinen beschirmet/also wirt er auch innerlich mit Blut vnd Lufft adorned/ desgleichen mit starcken Neruen gesfürt/erhalten/vnd zusammen gebunden/taugentlich gemacht den Lufft an sich zu ziehen/vnd von sich zu lassen/dardurch Herz/Lung/vnd andere innerliche Glieder/erquicket/vnd in irem wesen behalten werden.

Nun diese Brust ist/wie andere Menschliche Glieder/mancherley Gebrechē vnterworfen/wie etwas im beschribnen Catharr zu sehen ist. Denn wo solche schädliche Fluß vom Haupt auff die Brust sinckē/versehren sie die Lungen/verstopffen die Luffträderle/machen feuchenden/hart ziehenden/auch stinckendem Athem/Mehrley Zusten/Ershweren/Eyter vnd Rog außwerffen/dergleichen anders zufell.